



Publicaziuns dalla vischnaunca, jamna 36

Votaziuns federalas dils 25 da settember 2022

L'urna principala en casa communal a ei aviarta sco suonda:
Dumengia, ils 25-9-2022 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 23 settember 2022, allas 14.00**, tier l'administraziun communal (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser **sil pli tard la dumengia, ils 25 da settember 2022** allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Niev: Cuviartas da votar prefrancadas

Igl onn 2021 ha il Cussegl grond approbau l'introducziun da cuviartas prefrancadas per las votaziuns ed elecziuns el cantun Grischun. Cheutras resultan negins cuosts pli per las votantas ed ils votants che tarmettan cun la posta lur documents da votar all'administraziun communal. Votantas e votants ston pia naven d'immediat buca pli francar la cuviarta da votar. Sil certificat dil dretg da votar sesanfla da niev in code, il qual remplazza la francatura.

Suprastonza communal



Damondas da baghegiar

2022-1055.000

Datum dalla publicaziun: 9 da settember 2022

Ils patruns: Miriam Mazola Paéz Müller e Christian Heinrich Müller, Seemattzopfweg 9, 6403 Küssnacht am Rigi

Zona: Zona centrala Parcella: Parcella 713 / unidad da condomini nr. 713-13

Liug: Via Alpsu 8, 7180 Disentis/Mustér

Intent dalla
damonda da

baghegiar: Midada d'utilisaziun d'ina habitaziun da primara (art. 4 lit. a ZwVO / art. 7 al. 1 lit. a ZWG) en
ina habitaziun secundara (art. 2 al. 4 ZWG) sebasond sin art. 10 s. ZWG

2022-3001.000

Datum dalla publicaziun: 9 da settember 2022

La patruna: Banca Raiffeisen Cadi, Via Cons, 7180 Disentis/Mustér

Representanza: Banca Raiffeisen Cadi, Via Cons, 7180 Disentis/Mustér

Object: Nova inscripziun vid la fatschada digl edifices nr. 86, parcella 703, Via Cons 1,
7180 Disentis/Mustér

Protestas:

Ils documents tier la damonda da baghegiar ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 9 da settember 2022

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2022-1019.000

Beatrix Rössler, Plättlistrasse 7a, 7323 Wangs, e Christoph Bauer, Dreieichweg 1, D-21029 Hamburg; novas finiastras ed amplificaziun dalla surfatscha da habitar, parcella 1242, Casa Fraissen, Via Plauncas 9, 7180 Disentis/Mustér.

Nr. 2022-1035.000

Marco Pilloud, Via da Scola 20, 7180 Disentis/Mustér; construcziun nova d'ina casa da pliras famiglias cun garascha integrada, parcella 2236, Via Vallars 16, 7186 Segnas.

Nr. 2022-1044.000

Vischnaunca Disentis/Mustér, Via Cons 2, 7180 Disentis/Mustér; montar reclama da baghegiar, parcella 1351, Via Alpsu 51, 7180 Disentis/Mustér.

Nr. 2022-1045.000

STWEG parcella 1820, Disla, Via Craiers 3, 7180 Disentis/Mustér; niev indrez fotovoltaic vid ils tschabergals, parcella 1820, edifices nr. 577A, Via Craiers 3, 7180 Disentis/Mustér.

Nr. 2022-1046.000

Nadja Schmed, Via Salez 9, 7186 Segnas; niev indrez fotovoltaic vid il tschabergal dil balcun, parcella 51, edifices 377B, Via Salez 9, 7186 Segnas.

Disentis/Mustér, ils 9 da settember 2022

Uffeci da baghegiar Disentis/Mustér



Serrada via d'ual Plaunca Su–Pardi

Las lavurs da construcziun en connex cul project da reparar e rinforzar la via d'ual Plaunca Su–Pardi entscheivan **gliendisdis, ils 19 da settember 2022, e cuozan entochen venderdis, ils 7 d'october 2022**. Duront il temps da baghegiar sto il tschancun dil plazzal da construcziun vegnir serraus pil traffic motorisau. Per contonscher ils mises a Plaun Menisch exista la pusseivladad da carrar sur la Val da Segnas.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Revisiun parziala dalla planisaziun locala «scursalera (Rodelbahn)», communicaziun davart il conclus d'approbaziun

Cun conclus nr. 683 ha la Regenza dil cantun Grischun en applicaziun digl art. 49 dalla lescha da planisaziun cantunala (LPTGR) approbau ils 30 d'uost 2022 il conclus dil cussegl da vischnaunca dils 25 da mars 2022 ed il conclus all'urna dils 15 da matg 2022 davart la revisiun parziala dalla planisaziun locala. La revisiun cumpeggia:

Mieds da planisaziun:

- Plan da zonas 1:1000 Scursalera Catrina
- Plan general d'avertura 1:1000 Scursalera Catrina

Il mieds da planisaziun approbai ed il conclus dalla Regenza ein exponi publicamein per envesta duront il temps d'avertura dil spurtegl en casa communal (stanza nr. 10).

Questa communicaziun succeda senza mieds legals.

Disentis/Mustér, ils 9 da settember 2022

Suprastonza communal Disentis/Mustér



Vischnancas da Disentis/Mustér, Sumvitg e Tujetsch: Meglieraziun generala da Disentis/Mustér

Exposiziun publica da la midada dal project d'exposiziun, via champestra nr. 28A, Via Sur Iert

Sa basond sin l'art. 38 da la lescha da megliuraziun dal chantun Grischun (LMG; DG 915.100) e sin l'art. 97 da la lescha federala davart l'agricultura (LAgr; CS 910.1) vegnan exponidas publicamain las sequentas actas: **Acts da l'exposiziun:**

- rapport;
- plan nr. 1018.5.100–28A, 1:500.

Lieu da l'exposiziun:

Administraziun communal Disentis/Mustér, Via Cons 2, 7180 Disentis/Mustér

Durada da l'exposiziun:

da venderdi, ils 9 da settember, fin glindesdi, ils 10 d'october 2022, ils lavurdis durant las uras d'avertura dal spurtegl usitadas

Legitimaziun da far protesta:

Il dretg da far protesta ha quel ch'è pertutgà dals acts d'exposiziun e po far valair in interess degn da protecziun per l'annulaziun u la midada da quests acts, sco er las vischnancas pertutgadas e las organisaziuns naziunales per la protecziun da l'ambient, uschè lunsch ed uschenavant ch'ellas han er il dretg da far in recurs da dretg administrativ al tribunal federal.

Protestas:

Las protestas cunter ils acts d'exposiziun èn d'inoltrar en scrit sin il **pli tard glindesdi, ils 10 d'october 2022** (bul da posta), al Departament d'economia publica efatgs socials, Ringstrasse 10, 7001 Cuira.

Uffizi d'agricultura e da geoinformaziun

Daniel Buschauer

Annunzias per la fiera Sogn Martin

La fiera da Sogn Martin ha liug uonn **gliendisdi, ils 14 da november 2022**, naven dallas 8.00 entochen allas 17.00. Annunzias per stans da fiera ein da far a scret ni per e-mail cul formular d'annunzia sut www.disentis.ch > Uffeci da baghegiar > Downloads **entochen sil pli tard ils 30 da settember 2022**. Annunzias sunter il suranumnu termin san buca vegnir risguardadas.

Nus supplichein Vus da prender enconuschientscha ed engraziein per Vossa capientscha.

Administraziun communal Disentis/Mustér

Club da skis Trun

Team Panda Trun

Il trenament da cuorsa liunga per igl unviern 2022/23 per affons da 6 tochen 16 onns.

Mira sut Trun!



Apparat d'udida

Gliendisdis, ils 12 da settember 2022, saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun
11.00–11.45 en Casa sogn Giusep a Cumpadials
13.15–14.30 el Puntreis, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents.

Ei drova negina annunzia.

Yoga ni gimnastica dalla damaun a Mustér

Ina scolasta ed in menader da Yoga sco era ina menadra da gimnastica sebratten per porscher yoga ni gimnastica ad in e scadin che ha tschaffen ed interess. Naven da **mardis, ils 13 da settember 2022, entochen la fin avrel 2023** purschin nus in'ura da beinstar per tgierp ed olma. Nus s'entupein mintga mardis dallas 8.30–9.30 en halla Cons a Mustér. Igl ei pusseivel da visitar tuttas ni mo singulas lecziuns. Tier mintga participaziun ei da contribuir ina pintga indemnisaziun per cuvierer ils cuosts.

Sin bien seveser e cordial beinvegna a tuts interessai.

Las organisaturas, il menader e las menadras

Yoga oder Morgengymnastik in Disentis

Eine Yogalehrerin und ein Yogaleiter sowie eine Gymnastikleiterin erteilen abwechslungsweise eine Stunde Yoga oder Gymnastik. **Vom 13. September 2022 bis Ende April 2023** bieten wir für Frauen und Männer, Junge und Alte, Einheimische und Auswärtige eine Wohlfühlstunde an. Wir treffen uns jeweils Dienstag von 8.30–9.30 Uhr in der Turnhalle Cons in Disentis. Es ist möglich, alle oder nur einzelne Lektionen zu besuchen. Bei jeder Teilnahme ist ein kleiner Beitrag zu entrichten, um die anfallenden Kosten zu decken. Auf Wiedersehen und herzlich willkommen an alle Interessierten.

Die Organisatorinnen, der Leiter und die Leiterinnen



Invitaziun Seniors-Ca

Gievgia, ils 15 da settember 2022, allas 13.30 ell'ustria «Crestas» a Segnas tier troccas/jass/giugs cun caffè e petta. Pusseivladad da gentar allas 12.00 ell'ustria «Crestas» a Segnas cun salata, plat principal per in prezi favoreivel. Caffè e petta vegn offeriu pli tard. Annunzia pil gentar entochen mardis, ils 13 da settember, allas 17.00 a Puntreis, 081 929 56 56. Indicar sche vegn duvrau transport. Transport: allas 11.40 ni 13.10 sper Puntreis ni Cucagna.

Post d'informaziun Seniors-Ca

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin, che ha liug el medem local e nua ch'ils affons stattan persuls duas uras cun las menadras, e quei inaga la jamna. Pils affons eis ei sco d'entrar ella tiara dalla Cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada	mardis, ils 20 da settember 2022
Temps	15.00–16.30
Liug	Casa da scola Segnas,
local	artgin, ella 1. alzada
Prender cun	marenda e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Annunzia: Fiera da Nadal 2022 a Disentis/Mustér

Prezias expositurs

Las Uniuns da dunnas da Disentis/Mustér e Tujetsch organischeschan alternont la fiera da Nadal. La fiera ha liug **sonda, ils 19 da november 2022**, dallas 11.00–19.00 a Disentis/Mustér e vegn organisada dall'Uniun da dunnas Disentis/Mustér. Sin Voss'annunzia entochen sonda, ils 21 da settember 2022, selegra Uniun da dunnas Disentis/Mustér, Rita Huonder, Via Clavianev 1, 7180 Disentis/Mustér, 081 947 44 74 (la sera), 076 559 44 74 ni e-mail rita.huonder@bluewin.ch

Cordials salids

Uniun da dunnas Disentis/Mustér
